

醫學從衆

四

百三十五

亥21
46(3)-10
4.

111+6



醫學從衆卷七

閩吳航陳念祖修園甫著

次男元犀靈石叅訂

孫男

心典徽菴

心蘭芝亭

全校字

泄瀉

泄瀉之症有五。而總不離於濕。初起只以平胃散加猪苓澤瀉治之。他方皆不逮也。又有五更天將明時必洞瀉。一二次名曰脾腎泄。難治。蓋以腎旺於亥子。今腎大虛。閉藏失職。故五更之時而特甚也。亦謂之脾者。以泄瀉之時一定不移。五行之土。猶五常之信。



北京中醫藥大學圖書館版權所有

也。四神丸加味主之。大抵初瀉與瀉之未甚。宜利水。次補脾。久瀉大瀉。宜補腎。以胃關煎八味丸之類為主。兼服補中益氣湯。以其下陷之氣。蓋以腎為胃關。二便開闔。皆腎所主也。

脉息

宜沉細 忌浮大

加味平胃散

蒼朮

炒 二錢

炙草

陳皮

名一錢

猪苓

厚朴

薑汁 炒

澤瀉

各一錢五分

生薑

三片

水煎服

如頭痛發熱惡寒者。外感風寒也。加紫蘇二錢。川芎防風各二

錢。



如傷食飽悶脹痛等症。加山查麥芽之類。大醉之後。更加乾葛

二錢。

如腹痛不休。脉細手足冷。中寒也。加乾薑二錢。肉桂吳萸各一錢。

如脉洪數有力。口中舌紅。腹痛時作時止。小便短澀。火瀉痛

也。加木通一錢。乾葛一錢五分。若兼腸垢裏急後重。再加黃連

一錢。白芍三錢。

如暑月水瀉口渴。小便不利。加滑石三錢。研末。

如瀉而腹痛不止。爲土傷木賊。加酒白芍三錢。防風一錢。

如服前藥不能效者。是脾腎虛寒。宜加補骨脂炒扁豆白朮各



二錢吳萸八分乾薑一錢以溫之如滑脫不止再加訶子肉豆蔻一錢五分鸞粟殼一錢以瀉之

四神丸 方見時方

鄉前輩林公諱祖成加白朮八兩鸞粟殼二兩肉桂一兩醋調炒米粉為丸名六神丸治同再加杜仲四兩茯苓四兩名固腎啟脾丸自註云久服此丸俾脾元足而營衛運斯分消之力旺腎元足而開闔神斯固攝之權行

溫補脾腎元氣主方 林公傳

杜仲 二錢 人參

白朮 各五分

茯苓

肉豆蔻 去油各補骨脂一錢

砂仁 各五分

五味子 二



水煎空心午前服

小腹隱痛加肉桂五分

小便不利加澤瀉一錢

胃關煎

治大瀉將脫久瀉不止

熟地

三四五錢

白朮

二三錢

乾薑

一二錢炒

吳萸

五七分

炙草

一錢

扁豆

炒研

山藥

炒名二錢

水煎服

按已上為治瀉之恒法。又有變通活法。不可不知。如久瀉服溫補及固澁之藥不止。或愈而復作。或既愈次年又應期而作。俱是錮積未除。宜通因通用之法。本事溫脾湯主之。又有感秋金



北京中醫藥大學圖書館版權所有

燥氣始則咳嗽久則往來寒熱泄瀉無度服溫補藥更甚或完穀不化有似虛寒而不知肺中之熱無處可宣急奔大腸食入則不待傳化而直出食不入則腸中之垢亦隨氣奔而出是以瀉利無休也宜以黃芩地骨皮甘草杏仁阿膠潤肺之藥兼潤其腸則源流俱清寒熱咳嗽泄瀉一齊俱止矣又有瀉久亡陰過服香燥之品發熱口渴微喘汗出煩燥陰氣虛盡陽氣不能久留宜急養其陰以阿膠地黃門冬等類熬膏三四觔日服十餘次半月藥盡逐效另製補脾藥末善後全愈此喻嘉言之驗案也

溫脾湯

本事方
見時方

主治錮冷在腸胃間泄瀉腹痛宜先取去然後調治不可畏虛以養病也。

千金溫脾湯

方見寶鑑在易

治積久熱痢赤白

生薑瀉心湯

治心下痞鞭乾噫食臭脇下有水氣腹中雷鳴下利者

甘草瀉心湯

下後痞益甚日利數十行穀不化此非熱結但以胃中虛客氣

上逆故使鞭也

半夏瀉心湯



南京中医药大学图书馆藏书

嘔而發熱心下滿而不痛

黃芩湯

太陽少陽合病目利者

若嘔者加生薑一錢五分半夏一錢名黃芩加半夏生薑湯

黃連湯

胸中熱胃中有邪氣腹中痛欲嘔者

即半夏瀉心湯去黃芩加桂枝以和表裏

乾薑黃連黃芩人參湯

下利醫復吐下之食入口即吐

此方治嘔家夾熱不利於再砂橘半者服此效神昔張石頑先



生借治脾胃虛寒，腸有積熱之泄甚效。

厚朴生薑甘草半夏人參湯

此仲景治汗後腹脹滿之方也。張石頑借治瀉後腹脹滿甚效。石頑治總戎陳孟庸瀉利腹脹作痛，服黃芩白芍之類，張急愈。其其脈洪盛而數，按之則濡，此濕熱傷脾胃之氣也。與厚朴生薑甘草半夏人參湯二劑，瀉止而飲食不思，與半夏瀉心湯二劑而安。

葛根黃芩黃連湯

各見傷寒

此湯仲景治桂枝症醫反下之利遂不止，脈促喘而汗出之症。今借治表邪未解，腸胃俱熱之瀉甚效。

按君氣質輕清之葛根以解肌而止利。佐苦寒清肅之芩連。以止汗而除喘。又加甘草以和中。先煮葛根。後納諸藥。解肌之功。緩清中之氣。銳又與補中逐邪者。殊法矣。

錫粳蓮肉糖散

治老幼脾瀉久不愈神方

飯鍋粳

四兩淨末

蓮肉

四兩去心淨末

白糖

四兩

右共和勻。每服三五匙。一日三次。食遠服。

丹礬蠟榴丸

治一切久瀉諸藥不效。宜服此丸。

黃丹

枯礬

黃蠟

各二兩

石榴皮

八錢炒研



將蠟溶化小銅杓內再以丹礬榴皮三味細末乘熱爲丸如豆
大空心服五丸兼治紅痢用清茶下白痢用薑湯下

鍋粬松花散

治白瀉不止神效方

飯鍋粬

二兩

松花

二兩

臘肉骨頭

五錢 烘脆

共爲末砂糖調不拘時服

火腿紅麴散

各見種福堂

治脾泄

陳火腿骨

煨存性研末

紅麴

松花

右三味各等分爲細末砂糖調陳酒送下



風痺痿

風痺痿三症不同。近世不能爲辨。而混同施治。誤人不淺。茲特分別之。

風者。肢節走痛也。內經謂之賊風。後人謂之痛風。又謂之白虎。節風。其中表裏寒熱虛實。宜因脉辨症而藥之。至久痛必入絡。如木通刺蒺藜。紅花金銀花。鈎藤之類。最能通絡。可隨宜加入。久痛必挾鬱。鬱而成熱。熱盛則生痰。如南星半夏。括樓根黃柏。鬱金川貝。竹瀝薑汁之類。俱能解鬱清熱化痰。可隨宜加入。多用桑枝桑寄生者。蓋以桑爲箕星之精也。多用虎骨者。以風從虎。亦以骨治骨之義也。用烏附辛桂之藥而不效者。宜用威蕤麥冬桑葉脂麻。

THE UNIVERSITY OF CHINA



中國醫藥大學圖書館

生芪菊花。蒺藜。阿膠。甘草之類。爲膏。滋養陽明。亦是柔潤熄肝風之法。

痺者閉也。風寒濕雜至。合而爲痺。與痛風相似。但風則陽受之。痺則陰受之。雖行痺屬風。痛痺屬寒。着痺屬濕。而三氣之合。自當以寒濕爲主。蓋以風爲陽邪。寒濕爲陰邪。陰主閉。閉則重着而沉痛。是痺症不外寒濕。而寒濕亦必挾風。寒曰風寒。濕曰風濕。此三氣雜合之說也。內經云。在陽命曰風。在陰命曰痺。以此分別。則兩症白不混治矣。至於治法。不外三痺湯。及景岳三氣飲之類。爲主。如黃芪五物湯。黃芪防己湯。桂枝芍藥知母湯。烏頭湯之類。皆古聖經方。當知擇用。張景岳云。祇宜峻補真陰。宣通脈絡。使氣血得以



流行。不得過用驅風等藥。再傷陰氣。必反增其病矣。若胸痺胞痺。及臟腑之痺。當另立一門。方能分曉。醫門法律。分別甚詳。實非

之。

痿者。兩足痿弱而不痛也。內經分爲五臟。肺痿者。主皮毛痿也。心痿者。脉痿也。肝痿者。筋痿也。脾痿者。肉痿也。腎痿者。骨痿也。而其要旨在獨取陽明。蓋陽明爲五臟六腑之海。主潤宗筋。宗筋主束骨而利機關。若陽明虛。不能藏受水穀之氣。而布化則五臟無所稟。宗筋無所養。而痿躄作矣。醫者不知。誤投薑獨風藥。則火得風而益熾。誤投烏附劫藥。則陰被劫而速亡。要知此症無寒。當遵張子和爲定論。若用痛風三痺蒸湯。炙燔等法。立見其危。至於方治。

以虎潛丸加減四劬丸爲主。痿久者間服六君子湯加栝柏蒼朮
竹瀝薑汁。黑瘦人血虛多燥宜間服二妙地黃丸。肥白人氣虛多
痰宜間服當歸補血湯加竹瀝薑汁。定不可誤服辛熱之藥。或問
辛熱既不可用。何張石頑云老人痿厥用虎潛丸而不愈。不加附
子而卽愈乎。不知此法是借附子辛熱之力以開通經隧。原非爲
腎臟虛寒而設也。

脉息

宜浮數

忌虛弱

四物湯

治風先
治血

四君子湯

十全大補湯

八珍湯

六君子湯

當歸補血湯

血生於氣
各見時方

桂枝湯

麻黃湯

各見
傷寒

防已黃芪湯

方見金匱

治風濕相持客在皮膚關節疼痛腰以下疼重脉浮自汗惡風等症

後當如重行皮中腰以下如水後坐被上又以被遶腰下溫令微汗差

喘加麻黃胃氣不和加芍藥氣上衝心加桂枝有陳氣加細辛陳氣久積之寒氣已

防已湯

治歷節四肢痛如錐刺

即前方去黃芪大棗木方防已冬木生薑各四錢甘草三錢

